

ხელშეკრულება სახელმწიფო შესყიდვის შესახებ N2.9.15/20/25
გამარტივებული ელექტრონული ტენდერი - NAT170001223

ქ. თბილისი

07.03.2017 წ.

ერთის მხრივ ქალაქ თბილისის საბურთალოს რაიონის გამგეობა („შემდგომში – შემსყიდველი“), წარმოდგენილი გამგებლის ბექა მიქაუტაძის სახით და მეორეს მხრივ შ.პ.ს. „რეალ ენერჯი“ („შემდგომში მიმწოდებელი“), წარმოდგენილი დირექტორის ალექსანდრე ბარათაშვილის სახით, საქართველოში მოქმედი კანონმდებლობის შესაბამისად შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურებას ამ ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების (შესყიდვის) ობიექტია - საბურთალოს რაიონის ტერიტორიაზე არსებული მყარი ურბანული ნარჩენების გატანის მომსახურება, რომელიც განსაზღვრულია მიმწოდებლის მომსახურების ხარჯთაღრიცხვაში, თან ერთვის ხელშეკრულებას და წარმოადგენს მის განუყოფელ ნაწილს (CPV - 90513200).

3. ხელშეკრულების ღირებულება და მომსახურების გაწევის ვადა

- 3.1 ხელშეკრულების სავარაუდო ღირებულება შეადგენს: 46 979.49 (ორმოცდაექვსი ათას ცხრაასსამოცდაცხრამეტი ლარი და 49 თეთრი) ლარს.
- 3.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 3.5 მომსახურების გაწევის ვადა: ხელშეკრულების გაფორმებიდან 2017 წლის 15 დეკემბრის ჩათვლით (ეტაპობრივად).

4. მხარეთა ვალდებულებები

- 4.1. მიმწოდებელი ვალდებულია განახორციელოს ხელშეკრულების მე-2 მუხლით განსაზღვრული მომსახურების გაწევა, ეტაპობრივად, შემსყიდველის წერილობითი მოთხოვნის შესაბამისად, წერილობითვე განსაზღვრული ვადის დაცვით.
- 4.1.1 მიმწოდებელი ვალდებულია, უზრუნველყოს სამუშაოების წარმოებისათვის საჭირო ყველა ნებართვისა და შეთანხმების მიღება.
- 4.2 შემსყიდველი ვალდებულია:

- ა) წერილობით აცნობოს მიმწოდებელს მომსახურების გაწევის ადგილი, გასაწევი მომსახურება და მომსახურების გაწევის ვადა;
- ბ) უზრუნველყოს ხელშეკრულების შესრულების კონტროლი;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. მომსახურების ხარისხი

5.1 ხელშეკრულებით გათვალისწინებული მომსახურება უნდა შეესაბამებოდეს დადგენილ სტანდარტებს და ტექნიკურ დავალებაში მოცემულ მაჩვენებლებს.

6. ხელშეკრულების შესრულების კონტროლი

- 6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნის შესაბამისად.
- 6.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ: პროვაიდერების ზედამხედველობისა და მონიტორინგის განყოფილების უფროსი და ამავე განყოფილების შესაბამისი სპეციალისტები.
- 6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი/ხარვეზი გაწეულ მომსახურებაში, მიმწოდებელი ვალდებულია, შემსყიდველის მიერ წერილობით განსაზღვრულ გონივრულ ვადაში გამოასწოროს.
- 6.4 თუ ამ მუხლის 6.3 პუნქტით გათვალისწინებული წუნი/ხარვეზის გამოსწორების ვადა სცილდება ამ ხელშეკრულების მოქმედების ვადას, მიმწოდებლის მიერ წუნი/ხარვეზის გამოსწორება, ხოლო წუნი/ხარვეზის გამოსწორების შეუძლებლობის შემთხვევაში თანხის დაბრუნება უნდა განხორციელდეს ამ ხელშეკრულების მოქმედების ვადის გასვლამდე.
- 6.5 მიმწოდებელმა ხელი უნდა შეუწყოს შემსყიდველს ინსპექტირების განხორციელებისას.

7. მომსახურების მიღება-ჩაბარების წესი

- 7.1 შესყიდვის ობიექტზე (კონკრეტულ მისამართზე) საბოლოო მიღება-ჩაბარების აქტი გაფორმდება – ააიპ „ლაბორატორიის“ (ტექსტში „საექსპერტო ჯგუფი“) მიერ გაწეულ მომსახურებაზე გაცემული დადებითი საექსპერტო დასკვნის და მათ მიერვე დამოწმებული ფორმა 2-ის წარმოდგენის შემდგომ.
- 7.2 წარმოდგენილ დოკუმენტაციაში საექსპერტო ჯგუფის მიერ დეფექტის ან ნაკლის გამოვლენის შემთხვევაში შემსყიდველი დაუყოვნებლივ წერილობითი სახით აცნობებს მიმწოდებელს დაწინებული მომსახურების მოცულობებს და წუნდების მიზეზებს.
- 7.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ დადგენილ ვადაში. დეფექტის აღმოფხვრასთან დაკავშირებული ვადა თავის მხრივ გავლენას არ ახდენს მომსახურების შესრულების ძირითად გეგმაზე და არ აღემატება ხელშეკრულების მოქმედების ვადებს.
- 7.4. ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმომადგენელ ხელშეკრულების მე-6 მუხლის 6.2 პუნქტში მითითებული პირები.

8. ანგარიშსწორება

- 8.1 ანგარიშსწორების ვალუტა – ლარი.
- 8.2 ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ქალაქ თბილისის მუნიციპალიტეტის 2017 წლის ბიუჯეტიდან საბურთალოს რაიონის გამგეობისათვის გამოყოფილი ასიგნებებით.
- 8.3 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება, ეტაპობრივად, მიღება-ჩაბარების აქტების გაფორმებიდან 10 (ათი) სამუშაო დღის განმავლობაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულებით გათვალისწინებული მომსახურების გაწევის ვადის, მათ შორის წერილობითი დავალებით განსაზღვრული ვადის დარღვევის შემთხვევაში მიმწოდებელს ეკისრება პირგასამტეხლო ყოველი ვადაგადაცილებული დღისათვის სახელშეკრულებლო ღირებულების 0.1%-ის ოდენობით.

10.2 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო ყოველი ვადაგადაცილებული დღისათვის ხელშეკრულების ღირებულების 0.1%-ის ოდენობით.

10.3 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 1 (ერთი) თვის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 მხარე უფლებამოსილია შეწყვიტოს წინამდებარე ხელშეკრულების მოქმედება:

13.1.1. თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას

13.1.2. მოქმედი კანონმდებლობით და წინამდებარე ხელშეკრულებით გათვალისწინებულ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეს ხელშეკრულებით გათვალისწინებული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1 ხელშეკრულება ძალაში შედის გაფორმებისთანავე და ძალაშია 2018 წლის 15 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

16.1. შემსყიდველი არ იღებს ვალდებულებას წინამდებარე ხელშეკრულებით გათვალისწინებული მომსახურებისათვის საჭირო მოცულობების სრულად დაკვეთის შესახებ.

16.2. შემსყიდველის მიერ მიმწოდებელს წერილობით ეცნობება მომსახურების გაწევის ადგილი და ვადა.

16.3. ხელშეკრულება შედგენილია თანაბარი იურიდიული ძალის მქონე ორ იდენტურ ეგზემპლარად, ქართულ ენაზე, რომელთაგან ერთი გადაეცემა მიმწოდებელს, ხოლო მეორე - შემსყიდველს.

17. მხარეთა რეკვიზიტები:

შემსყიდველი:

საბურთალოს რაიონის გამგეობა
მის: ქ. თბილისი, მიცვეციძის ქ. N29
ს/კ: 205 303 820

მიმწოდებელი:

შ.პ.ს. „რეალ ენერჯი“
მის: ქ. რუსთავი, მე-14 მკ/რ. ბინა N39
ს.ს. „თიბისი ბანკი“
კოდი: TBCBGE22
ა/ა №GE63TB7576736080100001
ს/კ: 416 307 259

გამგებელი



ბექა მიქაუტაძე

დირექტორი



ალექსანდრე ბარათაშვილი

	გასაწევი მომსახურება	განზ.	მოცულობა	ერთეულის ღირებულება	სულ ღირებულება
1	გრუნტის მოჭრა, ექსკავატორით დატვირთვა ა/თავითმცლეულზე და გატანა ნაგავსაყრელზე (გლდანის რაიონი, თბილისის შემოვლითი საავტომობილო გზის მე-15 კმ)	მ3	4000	1.1	4400
2	მოშანდაკება (ავტოგრეიდერის და საგზაო სატექნიკის გამოყენებით);	მ2	50000	0.57	28500
3	გრუნტისა და მყარი სამშენებლო ნარჩენების ხელით დატვირთვა ავტოთავითმცლეულზე და გატანა ნაგავსაყრელზე (გლდანის რაიონი, თბილისის შემოვლითი საავტომობილო გზის მე-15 კმ);	მ3	150	2	300
4	გრუნტისა და მყარი სამშენებლო ნარჩენების ექსკავატორით დატვირთვა ავტოთავითმცლეულზე და გატანა ნაგავსაყრელზე (გლდანის რაიონი, თბილისის შემოვლითი საავტომობილო გზის მე-15 კმ);	მ3	400	1.03	412
5	ფრეზირებული ასფალტის ექსკავატორით დატვირთვა და ავტოთავითმცლეულით გატანა გამგეობის მიერ მითითებულ ადგილზე (საბურთალოს რაიონის ტერიტორიაზე);	მ3	1500	1.19	1785
	ჯამი				
	ზედნადები ხარჯები	ლარი	5%		35397.00
	ჯამი				1769.85
	გეგმიური დაგროვება	ლარი	4%		37166.85
	ჯამი				1486.67
					38653.52

	გაუთვალისწინებული ხარჯი	ლარი	3%		1159.61
	ჯამი				39813.13
	დღგ	ლარი	18%		7166.36
	ჯამი				46979.49

შპს "რეალ ენერჯი"-ს
დირექტორი



/ალექსანდრე ბარათაშვილი/